

Issued by District Level Task Force on Covid-19, Khawzawl District

Heng a hnuaia tarlan (ni 03.05.2021 zing dar 4:00 atanga ni 11.05.2021 zing dar 4:00 thlenga inkhuahkhirhna kalpui dan tur tlangpui) hi Khawzawl Town chhunga Village Level Task Force te chu mipui hriata lo puangzar tur leh, khauh taka lo kengkawh turin ngen leh hriattir an ni:

1. Phalna nei lovin tumahin mahni in/compound an chhuahsan tur a ni lo. Tul bik thilah chuan phalna hi VLTF hnenah lak tur a ni.
2. Phalna neia pawn chhuak tur reng reng chuan face mask leh hmanraw dang hmangin hmai an tuam ngei ngei tur a ni.
3. Vantlang hmuna kal te chu feet 6 tala inhlata awm tur a ni.
4. Loh theih loh thilah lo chuan zin veivah loh tur a ni. Zin veivak, Khawzawl-a lut leh Khawzawl atanga chhuak turte chuan an chhuah tanna veng/khua VLTF/LLTF te lehkha an nei ngei ngei tur a ni.
5. **Mizoram sawrkar order in VLTF te hriatpuinaa dawr inhawng thei chin a tarlante chauh SOP zawm chungin Thawhtanni, Nilaini leh Zirtawpni-ah te hawn theih a ni ang.**
6. Lo neitu leh huan neitute, ran vulhtute, sangha dil neitu te leh a thawktute chu hmunkhata mi panga (5) aia tam loin an hna thawh phalsak an ni a, ram riah pawh phal a ni. **Mahse VLTF/LLTF te phalna lehkha emaw an kalna tur lo/huan an nei ngei a ni tih lantirna document (LSC, periodic patta,adt.) an nei tur a ni.**
7. Chhungkua/mimal eizawna kaihhnawih ni lo a huhova lui kal, ramhnuaia picnic/ intihhlim, hiking leh adventure sports te khap a ni.
8. Public park, picnic spot, movie theatre, gym, community hall, restaurant, shopping complex, mall leh intawllenna hmun zawng zawng chu khar tur a ni.
9. Chhياتni/thatni ah mi 30 (sawmthum) aia tam punkhawm phal a ni lo a, heng punkhawmnaah hian ei leh in sem/siam phal a ni lo.
10. Mipui punkhawmna heng – birthday leh anniversary lawmna, games & sports, book release, lungphun leh intihhlimna ang chi reng reng te chu inkhuahkhirhna hman hunchhung hian huaihawt phal a ni lo.
11. Sakhaw biakna hmun te chu khar vek tur a ni. Hei hian zing tawngtai inkhawm pawh a huam ang.
12. Thlai leh chawhmeh zawrh leh lei te chu VLTF remruatnain kalpui theih a ni.
13. Khawchhunga mi panga aia tam lo hna thawhna - carpentry workshop, steel fabrication workshop, bakery, tailoring, weaving leh hetiang lam - ah te VLTF phalna leh hriatpuina lak hmasak zel tur a ni.

Sd/- ZOTHANMAWIA

Deputy Commissioner

&

Chairman

District Level Task Force on Covid-19

Khawzawl District, Khawzawl